



TOSHKENT DAVLAT YURIDIK UNIVERSITETI REKTORINING B U Y R U G ' I

21.11.2023

700-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarini buzish holatlari kuzatilmoqda.

Jumladan, Xalqaro huquq va qiyosiy huquqshunoslik fakulteti 3-kurs talabasi Jumayev Abror Zokir o'g'li 2023-yilning 24-avgust kuni soat taxminan 01:30 larda ijara uyi Toshkent shahar, Olmazor tumani, Sebzor dahasi, 21-uy, 15-xonadonda bo'la turib, o'zi bilan birga ijarada yashovchi S.To'rayev bilan o'zaro gap talashib, kelib chiqqan kelishmovchilik oqibatida janjallashib, S.To'rayevning chap tomon chakka qismiga qo'li bilan urib, sud tibbiy ekspertizasining 2023-yil 4-sentabr kunidagi 6532-sonli xulosasiga ko'ra, sog'liqni 21 kundan ko'p muddatga buzilishiga olib kelgan o'rtacha og'ir tan jarohati yetkazganligi aniqlangan.

Sudda so'roq qilingan A.Jumayev aybiga to'liq iqrorligini bildirib, 2023-yil 24-avgust kuni S.To'rayev bilan bo'lgan janjalda, S.To'rayevni urib, unga tan jarohati yetkazganligi, qilmishidan pushaymonda ekanligi, hozirda u bilan yarashganligi haqida bayon qilib, ishni harakatdan tugatishni so'ragan.

2023-yilning 27-sentabrida Toshkent shahar jinoyat ishlari bo'yicha Olmazor tuman sudining ajrimi bilan jinoyat ishi taraflarning yarashganligi munosabati bilan, ayblilik haqidagi masala hal qilinmasdan turib tugatilgan.

Talaba mazkur harakatlari bilan universitet Odob-axloq kodeksi 17-moddasining ikkinchi xatboshisi (talaba har qanday huquqbuzarlik yoki jinoyat sodir etishi qat'iyan taqiqlanishi), 26-moddasining tegishli qismlari (talaba Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga; Universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslikka) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasining ikkinchi xatboshisi, 26-

moddasining tegishli qismlari hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Toshkent davlat yuridik universiteti Odob-axloq kodeksining 17-moddasining ikkinchi xatboshisi va 26-moddasining tegishli qismlari talablarini buzganligi uchun Xalqaro huquq va qiyosiy huquqshunoslik fakulteti Jumayev Abror Zokir o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Boshqarma boshlig'i

S.BOZAROV



Direktor

SH.PO'LOTOV



Katta yuriskonsult

A.TURSUNOV

